

7 Ապա թագաւորն Արշակ եւ զիւր զաւրսն բաժաներ ընդ երիս. եւ տայր զմի գունդն¹ Վասակայ սպարապետին, եւ զերկորդ գունդն ի ձեռն Բագասի եղբար ևորին, որ ի գործ արութեան քաջ էր անհնարին, բայց ի գործ իմաստութեան բախած էր. եւ զմիւս գունդն իսկ թագաւորն Արշակ առնոյր: 8 Եւ տայր հրաման՝ յառաջ խաղալ պատրաստել, առ դիպան² պատահել զաւրացն Պարսից: 9 Ապա գայր սպարապետն Վասակ, գտաներ զառաջին առաջն զաւրացն Պարսից գձագարաւուխտն, զի հասեալ էին ի գաւառն Վանանդայ, ի տեղուջն՝ որ անուանեալ կոչէր յերեսեալ³. եւ բախեր ընդդէմ զաւրացն Պարսից մարտիւ պատերազմաւ: 10 Ի պարտութիւն մատնեցան զաւրքն Պարսից, դարձան ի փախուստ, ցրուեցան սփռեցան: 11 Հասաներ զաւրավարն Վասակ, արկաներ զզաւրսն ամենայն փախստեիցն Պարսից, ոչ ապրեցուցանեին եւ ոչ զմի, եւ թափեցին աւար բազում եւ զփիղն:

12 Ի նմին ամսեան ի նմին շաբաթու ի նմին աւուր հասաներ Բագոս, հանդերձ զաւրաւք՝ որ ընդ իւրեւ էին. գտաներ զառաջ երկորդ զաւրացն Պարսից եւ զԱնդիկան զաւրագլուխ ևոցա, զի հասեալ մածեալ բանակէին ի վերայ ձկնատենիցն Առեստեայ: 13 Ապա վաղ զգացին զաւրքն Պարսից զհասանել Բագոսին, եւ պատրաստեցան ի մարտ պատերազմի ընդդէմ զաւրացն Հայոց: 14 Ապա հասաներ Բագոսն ամենայն զնդաւն. ընդդէմ յարձակէին ճակատուն Պարսից, անդէն հարկանեին սատակէին զամենայն առ հասարակ զզաւրսն Պարսից, եւ զլխովին զԱնդիկան սպանանեին: 15 Ապա դիպեր Բագոսն զնդին փղացն, եւ տեսաներ զմի ի փղաց անդի մեծապէս զարդարեալ, եւ զարթունական նշանս ի վերայ արձակեալ: 16 Համարեցաւ զթագաւորն ի փղին յայնմիկ. իջաներ յերիվարէն, հանեալ զուսերն իւր յարձակեր ի վերայ փղին. զէն վերացոյց, եմուտ ի ներքոյ փղին, հարկաներ զներտս փղին, եւ անդէն ընկենոյր զփիղն ի վերայ անձին իւրոյ, եւ սատակէին երկոթեան. զի ոչ ժամաներ ելանել ներքուստ ի փղէն: 17 Յայնմ ճակատու, բայց միայն զի մեռաւ զաւրագլուխ զաւրացն Բագոսն, այլ ի Պարսից զաւրացն ոչ ապրեցուցանեին յայնցանէ եւ ոչ մի:

18 Իսկ ի նոյն ամի ի նմին շաբաթի ի նմին իսկ աւուր, քանզի մի աւր⁴ եղեն ճակատքն երեթեան, արդ հասաներ թագաւորն Արշակ, հանդերձ զաւրաւքն՝ որ ընդ իւրն էին. գտաներ զինքնին թագաւորն Շապուհ, զի հասեալ մածեալ բանակէին ի գաւառն Բասենոյ ի տեղիսն՝ որ անուանեալ կոչի Ոսխա⁵: 19 Ապա անկաներ զիշերի արքայն Արշակ ի վերայ բանակին Պարսից,

1 *Օրինակ մի յաւելլու՝ ի ձեռն*

2 *Օրինակ մի՝ առ ի դիպան*

3 *Օրինակ մի՝ երեսեալ*

4 *Յամենայն օրինակս՝ քան զմի օր*

5 *Յերկուս օրինակս՝ Ոխսա*